




Mánáid-, nuoraid- ja
bearašdirektoráhta

Neahttajierbmi

Cavgileamit ja rávvagat interneahta geavaheapmái



Interneahta buorit



Interneahtas sáhtát lohkat ođđasiid,
gávdnat dieđuid
ja háhkat ođđa oahpu.

Ovdamearkka dihtii Google, Youtube, neahttaaviissat, bloggen
ja eará ávkkálaš prográmmat – appat.

Interneahtas sáhtát
hállat/hupmat bearrašiin,
ustibiiguin ja earáiguin.

Ja ovdamearkka dihtii geavahit Skype, Facebook, Snapchat
ja eará sosiála mediaid.

Interneahta sáhtát geavahit suohttasa dihtii.

Ovdamearkka dihtii Youtubes, dahje spillet, geahččat filmma ja tv.

Interneahtas sáhtát gávppašit.

Ovdamearkka dihtii neahttagávppiin dahje neahttasajis Finn.no

Várut



Interneahtas lea seamma dehálaš láhttet čábbát go muđui eallimis.

It berre addit earáide beassansániid, kodaid, dieđuid bánkokonto birra it ge eará priváhta dieđuid, go daid sáhttet boastut geavahit.

It galgga dahkaluddat ahte don leat eará olmmoš go don leat, go earát sáhttet beahtahallat.

It galgga dahkaluddat ahte don leat vuollel 18 jagi fillen dihtii nuppiid. Muhtumin dat sáhtta leat lobiheapme ge.

Ale juogat neahtas dakkár govaid maid it háliit ahte earát galget oaidnit. Govat levvet johtilit neahtas.

Gildojuvvon neahttageavaheapmi



Muhtun lágat mitalit maid don sáhtát bargat ja dadjat neahtas.
Jus rihkut lága, de sáhtát ránggášuvvot.

Lea gildojuvvon áitit nuppiid neahtas.

Lea gildojuvvon áitimiin bágget nuppiid addit dutnje ruđaid
dahje eará mas lea árvu.

Lea gildojuvvon neahtas juohkit dahje gilvit govaid
dahje filmmaid nuppi olbmos
jus son ii leat mieđihan dasa – dadjan ahte lea ortnegis.

Lea gildojuvvon oaččohit olbmo gii lea vuollel 18 jagi, sáddet álásgovaid
dahje seksalaš govaid alddis.

Lea gildojuvvon áitimiin bágget olbmuid čađahit sexa.

Lea gildojuvvon áitimiin bágget olbmuid nuoladit.

Lea gildojuvvon áitimiin bágget olbmuid čađahit
seksuála daguid iežas rupmašiin.

Lea gildojuvvon addit geasage ruđaid dahje eará bálkkašumi sexa ovddas.

Čállima birra neahtas



Olbmui lea hui buorre beassat digaštallat neahtas!

It galgga čállit fasttiid nuppiid birra,
muhto baicce dan ášši birra man birra dii lehpēt čállimin.

It galgga čállit fasttiid olbmo hámi birra.

It galgga čállit fasttiid nuppiid oskku birra.

It galgga čállit fasttiid nuppiid doaibmanhehttehusaid birra.

It galgga čállit fasttiid nuppiid etnisitehta birra
– jus giige ovdamearkka dihtii lea sisafárrejeaddji.

It galgga čállit fasttiid nuppiid seksualitehta birra
– jus giige ovdamearkka dihtii lea homofila dahje lespalaš.

Givssideapmi lea neahtas seamma bahás dahku go muđui ge.

Muhtumin dat gohčoduvvo vašuheapmin ja lea lobiheapme.

Čále baicce manne don leat ovttaoaivilis
dahje it ovttaoaivilis das maid dii lehpēt digaštallamin.

Buorit cavgileamit



Láгат ja njuolggadusat gusket maddái nehtti.

li buot leat duohta mii čuožžu neahtas.

Go ráhkadat profilla,
de berret smiehttat makkár heivehemiid don háliidat.

Erenoamážit háliidat go giddejuvvon profilla ustibiid várás,
vai rabas profilla maid buohkat sáhttet oaidnit.

Ale gávppaš neahtas earáid ovddas.

Ale geavat ruđaid mat dus eai leat.

Jus giige lea bidjan nehtti dakkár gova dus masa don it liiko,
De sáhtát su gohčut dan sihkkut.

Jus givssiduvvot neahtas,
de sáhtát váldit gova dahje screenshot dieđáhusas
ja dan čájehit dakkár olbmuid geasa don luohát.

Jus givssiduvvot neahtas,
de sáhtát bissehit su gii givssida du dahje caggat
su áibbas čállimis dutnje.

Go dárbbášat veahki



Jeara veahki dakkár rávesolbmos geasa don luohtát.

Sáhtát rádjat su nama ja telefonnummira iežat telefodnii.

Jus leat vásihan juoidá mii du mielas lea lobiheapme,
de sáhtát váldit oktavuoda politiiain ja ringet nummirii: **02800**

Go dárbbášat veahki dalánaga,
de sáhtát ringet hehtenummirii: **112**

www.slettmeg.no

Dás sáhtát oažžut rávvagiid ja bagadusa
jus dovddat ahte leat rihkkojuvvon neahtas.



www.korspahalsen.no

Dás sáhtát ringet rávesolbmui dahje meilet dahje
čáhttet suinna dan birra mii lea bávččas dahje lossat.
Dalle it galgga leat deavdán 18 jagi.



www.ung.no

Dás sáhtát gávdnat ollu ávkkálaš dieđuid.



www.nettvett.no

Dás sáhtát gávdnat dieđuid, rávvagiid ja veahki
dorvvolaš interneahttageavaheami birra.





Skánne QR-koda lohkan
dihtii bagadusa gulahallamii
neahttajierpmi birra
(vernmotovergrep.no/nettvett)



Mánáid-, nuoraid- ja
bearašdirektoráhta

Poastačujuhus

Poastaboksa 2233
3103 Tønsberg

Galledančujuhus

Stensberggaten 27
0170 Oslo

bufdir.no

vernmotovergrep.no

ISBN: 978-82-8286-314-8